

PENI D'AMURI

Se mi guardati vui, bedha figghiola,
cu ss'occhi nigri, no ssi duna paci
stu cori, e ddi lu pettusi ndi vola
ca sulu nzemi a vvui vorrìa mu staci...

Passu e ripassu cu suli e ccu vventu,
e mmi cunzumu disijandu 'mbanu
'na parolèdha mu mi fa cuntentu,
'nu signu sulu di ssa bbella manu...

Se la finestra vi stati affacciata,
surda a li me sospiri e a li doluri,
vuoi no ppenzàti a st'anima assulàta
chi vorrìa sulu 'nu morzu d'amùri!

Genti malìgna ncissi a mamma mia :
- Pe vostru figghiu no nc'è cchiù ripàru...
Sta fimmana nci fici la majia,
vi l'ammagàu ssu poèvaru cotràru !...

Arrìdhu jeu di chidhu chi ssi dici
E passu sempi de cc'avanti apposta,
pemma 'mbuzzùnu tutti sti nimìci,
puru se no mmi dati na risposta...

E ssulu quando lu rivògghiu sentu
Chi menzanotti sona chianu chianu,
e ogni 'ntinnu pari 'nu lamèntu
chi cu lu ventu si perdi luntànu...

jeu sulu , tardu bedha mi ricògghiu
a la me' casa. Ma no mm'addormentu:
lu lettu è dduru , peghju di 'nu scògghiu,
no mmi riposu , ma sugnu cuntentu

pecchè cu l'occhi aperti 'ntra lu scuru,
quando pregu a la Virgini Maria,
bedha , cchiù di lu quattru di lu muru,
vi viju ancora ferma avanti a mmia!

Francesco Laruffa